



ՀԱՅ

ՔՐԱՏԱՐԱԿՈՒԹԵԱՄԲ

Գ Տարի : Թիւ 4

Եռամսեայ թերթիկ
Սեպտեմբեր 2017



Հրատարակութեամբ
Հ.Մ.Ը.Մ. Ալմէլօ Մեկուսի շրջանի վարչութիւն

ԿՈՉ

Հ.Մ.Ը.Մ. ական ՕՃԱԽ

 Հ.Մ.Ը.Մ.ը եղած է մեր նախորդ 99 տարիներու պատմութեան մէջ, այն հիմնական վարօճախներէն մեկը , ուր համաշխարհային տազնապիրադարցութիւններու ժամանակաշրջաններուն իր շուրջ համախմբած է բոլոր հայորդիները:
Ուստի այդ օճախին կառուցման եւ վառ պահելու պարտականութիւնը ոչ միայն Հ.Մ.Ը.Մ.ականներուն կ'պատկանի այլ բոլոր հայորդիներուն:



In haar 99 jarig is Homenetmen voor ons een van weinige thuishavens geweest, waar vele Armeniërs na de verschikkingen van de Armeens Genocide hun toevluchten en het in standhouden van dit thuis is daarom niet enkel een aangelegenheid van haar leden, maar ook een aangelegenheid van alle Armeniërs .



In it's 99 years of existence , Homenetmen has been one of our few havens, where many Armenians sought refuge after the horrors of the Armenian Genocide. Therefore the foundation and maintenance of this home is not just a matter for its members, but a matter of all Armenians

Հ.Մ.Ը.Մ. Ալմէլօ Մեկուսի Շրջանի Վարչութիւն

«ՄԱՐԶԻԿ»Ի ԽՄԲԱԳՐԱԿԱՆՆԵՐ Թիւ 406 -

ՊԱՏՐԱՍՏՈՒԹԻՒՆ (Հ.Մ.Ը.Մ.Ի 100-ԱՄԵԱԿԻՆ ԸՆԴԱՌԱՋ)



Պատրաստութեան մէջ է Հ.Մ.Ը.Մ.ի ընտանիքը: Բոլորը կը պատրաստուին ադամանդեայ յոբելեանին՝ միութեան 100-ամեակին: Ծրագիրները մշակուած են արդէն: Թուականները յստակացած են: Համա-Հ.Մ.Ը.Մ.ական մարզախաղեր, համա-Հ.Մ.Ը.Մ.ական բանակում, 100-ամեակի մեծաշուք տօնակատարութիւններ՝ Հայաստանի եւ սփիւռքեան տարբեր ավերու վրայ, գիտաժողով, ցուցահանդէս, կայքէջ, հրատարակութիւններ միայն օրինակներ են նախատեսուած ծրագիրներու երկար շարքէն:

Պատրաստութիւնը գործի մը յաջողութեան կէսն է, ըսուած է իրաւամբ: Երկրորդ կէտը գործի մը լաւագոյն ձեւով կատարումն է:

Պատրաստութիւնը մաս կը կազմէ Հ.Մ.Ը.Մ.ական մշակոյթին: Սկաուտական իր առաջին քայլերը առնող պատանին միութեան մէջ կը սորվի որեւէ նախաձեռնութենէ առաջ թղթածրար ու նախահաշիւ պատրաստել, նպատակ ու առաջադրանք ճշդել: Մարզական կեանքի մէջ, նորահաս պատասխանատուներ չեն կրնար որեւէ քայլի դիմել՝ առանց նախապէս ծրագիր, յայտագիր եւ պիւտճէ պատրաստելու:

Պատրաստութիւնը միութենական դաստիարակութեան կարելորդ մէկ մասն է, որովհետեւ ան կ'ենթադրէ ի սկզբանէ սերտել ու ճանչնալ տուեալ ձեռնարկի մը իրականացման միջավայրը, ձեռնարկի մասնակիցներուն մտայնութիւնն ու հոգեբանութիւնը, կազմակերպչական աշխատանքներու հանգրուանային ընթացքը, հաւանական դժուարութիւնները, անոնց դիմագրուման կարելիութիւնները, անհրաժեշտ մարդուծի եւ նիւթականի ապահովման միջոցները եւ այլն:

Պատահականութեան բան չի կրնար ձգուիլ:

Պատրաստութիւնը կ'ենթադրէ նաեւ որոշ կարգապահութիւն՝ աշխատանքի մը յաջորդական հանգրուաններուն յարգումին համար: Ժամանակացոյց եւ առաջնահերթութիւններ կը պարտադրեն յստակ կանոններ, որոնց շրջանցումը ձախողութեան կրնայ մատնել կազմակերպիչներուն գործը:

Ու տակաւին, մերօրեայ աշխարհին մէջ, պատրաստութիւնը կ'ենթադրէ արդի արհեստագիտութեան նորագոյն միջոցներու կատարեալ տիրապետութիւն: Երկիրէ երկիր ու ցամաքամասէ ցամաքամաս փոխանցուող տեղեկութիւնները, թղթածրարները եւ համացանցային ժողովները հեռաւորութիւնները կը մօտեցնեն եւ ժամանակի ու նիւթականի ահագին խնայողութիւն կը կատարեն:

Ահա, թէ ինչպիսի՝ հսկայական աշխատանքի լծուած են այսօր Հ.Մ.Ը.Մ.ի վարիչները քիչ մը ամէն տեղ, Կեդրոնական, Շրջանային, Մեկուսի թէ մասնաճիւղային մակարդակի: Շնչասպառ վազք մըն է, որ տեղի կ'ունենայ ճիշդ ժամանակին, ճիշդ տեղը եւ ճիշդ ձեւով Հ.Մ.Ը.Մ.ի պատմութեան մեծագոյն մարզախաղերը իրականացնելու, սկաուտական ամենէն մեծաթիւ բանակումը յաջողցնելու եւ ադամանդեայ յոբելեանին վայել տօնակատարութիւնները կատարելու համար:



Այս բոլորը, անշուշտ, կրնային դիւրին ըլլալ, եթէ երբեք Հ.Մ.Ը.Մ. ունենար նիւթական լայն կարելիութիւններ: Բախտաւոր այդ օրուան չենք հասած տակաւին եւ, հետեւաբար, մեծ ճիգեր ի գործ կը դրուին նախատեսուած ծրագիրներու պիտճէները ապահովելու, պատուոյ նախագահներ գտնելու եւ միութեան առաքելութեան հաւատացող բարերարներ ապահովելու համար: Սկզբունքը յստակ է. նիւթականի պատճառով ո՛չ մէկ Հ.Մ.Ը.Մ.ական պէտք է զրկուի 100-ամեակի հաւաքներուն մասնակցելու կարելիութենէն: Վարչութիւններ թէ Շրջանային Վարչութիւններ հարկ է դիմեն կարելի ամէն միջոցի՝ նախատեսուած իրադարձութիւնները առաւելագոյն մասնակիցներով արժեւորելու համար:

100-ամեակի պատրաստութիւնները ունին նաեւ այլ կարելութիւն: 100-ամեակը հանրային քննութեան ներկայացման պահն է: Հարկ է գնահատումը կատարել միութեան 100-ամեայ երթին եւ, ըստ այնմ, հրապարակային հաշուետւութեամբ ներկայանալ ամէնուր: Անհրաժեշտ է լուսարձակի տակ առնել միութեան պատուաբեր անցեալը՝ պարզելու համար դէպի յաղթական ապագայ առաջնորդող անոր ուղին: Անցեալը գրուած պատմութիւնն է, արխիւ եւ լուսանկար է, արձանագրուած ձայն ու ֆիլմ է: Պէտք է դասաւորել, ուսումնասիրել եւ օգտագործել այդ բոլորը՝ հաւաքական հաշուետւութեան բաց ճակատով ներկայանալու համար ներքին ու արտաքին ճակատներու վրայ: Աշխատանքին տարողութիւնը մեծ է, լուրջ պատրաստութիւն կ'ենթադրէ ու տեղ-տեղ մասնագիտական մօտեցում կը պահանջէ:

100-ամեակի պատրաստութիւնները, բնականաբար, կ'ընդգրկեն նաեւ միութեան 100-ամեակին յաջորդող հանգրուանը: Բոլորը կը խորհրդածեն, պէ՛տք է խորհրդածեն, որ 100-ամեակը ի՞նչ պիտի փոխէ Հ.Մ.Ը.Մ.ի մէկ դարեայ կեանքին մէջ: 2018-էն վերջը չի կրնար 2018-էն առաջուան նման ըլլալ, այլապէս 100-ամեակի տօնակատարութիւնները պիտի մնան ընթացիկի եւ ձեւականութեան սահմաններուն մէջ: Հ.Մ.Ը.Մ.ի բովանդակ ընտանիքը այսօր պարտաւորութիւնը ունի ճշդելու միութեան երկրորդ 100-ամեակին ընդհանուր ուղղութիւնն ու դերակատարութիւնը՝ յարափոփոխ մեր կեանքին մէջ: Նման աշխատանք մը սկսուած է արդէն Հ.Մ.Ը.Մ.ի ռազմավարական ծրագիրին մշակումով, կը մնայ որ պատրաստութիւնները շարունակուին եւ 100-ամեակի նշանակալից այս հանգրուանին մշակուին նաեւ այդ ծրագիրին անմիջական գործնականացման միջոցները:

100-ամեակը կոչուած է անկիւնադարձային հանգրուան մը նշելու Հ.Մ.Ը.Մ.ի պատմութեան մէջ: Պատրաստութիւնները կ'ընթանան այդ ուղղութեամբ: Պէտք է յուսալից ըլլալ, որովհետեւ Հ.Մ.Ը.Մ. երբ կը պատրաստուի՝ կը յաջողի՝ Սպասենք ու տեսնենք անպայմա՛ն:





Սրահի ոտնագնդակի Ա խումբը



Հ.Մ.Ը.Մ. Ալմելո մեկուսի շրջանի սրահի ոտնագնդակի Ա խումբը մայիս 26. 2017 թ.ին աւարտեց Հոլանտական ոտնագնդակի ֆետրացիայի (K.N.V.B.) ԹԻԻԵՆԹԱ շրջանի 2016-17 թ. (Գ.կարգ)ի մրցաշարը արժանանալով 4-րդ կարգը:

Խումբը բաղկացած էր 8 մարզիկների, Եդր. Հայո (Հայաստան Սարգիսեան - մարզիչ)ի ղեկավարութեամբ , Եդր. Ռուբեն Յակոբեան (Մարզիչին օգնական) եւ Եդր. Ասլան Ասլանեւնի եւ Եդր. Արման Խաչիկեան (Խումբի վարիչներ):

Այս տարի եւս միութեանս սրահի ոտնագնդակի խումբը իր մարզիչով , օգնականով եւ խումբի վարիչներով մասնակցեցան Հոլանտական ոտնագնդակի ֆետրացիայի (K.N.V.B.) ԹԻԻԵՆԹԱ շրջանի 2017-18 թ. (Գ.կարգ)ի մրցաշարին , ուր իր առաջին հանդիպումը տեղի ունեցաւ .-

-15 սեպտեմբեր 2017 թ.ին Հոլանտական ԷՆԸՇԽԸՏԱ քաղաքի մէջ ի EZV 4 խումբին դէմ . մրցումը աւարտուեցաւ միութեանս խումբի յաղթանակով 7-1:

-Երկրորդ հանդիպումը տեղի ունեցաւ 27 սեպտեմբեր 2017 թ.ին (միեւնոյն քաղաքին մէջ .)ի EZV 3 խումբին դէմ. մրցումը աւարտուեցաւ միութեանս խումբի յաղթանակով 8-1:

Միութեանս վարչութեան եւ անդամներու անունով կու գանք շնորհատրել միութեանս ոտնագնդակի խումբին մաղթելով իրենց նորանոր յաջողութիւններ եւ յաղթանակներ:



Vrijdag 15 september, 21:45 uur
wedstrijdnummer: 39032



EZV 4

1 - 7



Homenetmen
Almelo 1

Woensdag 27 september, 21:45 uur
wedstrijdnummer: 39031



EZV 3

1 - 8



Homenetmen
Almelo 1

ՀԻՄՆԱԴԻՐՆԵՐՈՒՆ ՊԱՏԳԱՍԸ

ՇԱԽԱՐՇ ՔՐԻՍԵԱՆ

Ազգասիրութեան ամենէն կարեւոր գործերէն մէկն է սիրելի անոնք, որոնք օր մը ազգին նայուածքները, յոյսերը, ակնկալութիւնները իրենց վրայ պիտի կեդրոնացնեն, ամէն հայ տղու եւ ամէն ծնողքի համար մեր ստեղծած նոր շարժումը, Հայ Պոյ Սկաուտներու շարժումը -հաւատքի չափ նուիրական պէտք է ըլլայ, որովհետեւ ան հիմնուած է ազգասիրութեան եւ բարոյականութեան առաջնորդող գաղափարներուն վրայ:

Մեր երդումը շատ կարճ ու պարզ պիտի ըլլայ. հրաւերը ազգային է, որովհետեւ յառաջ գալիք բարիքը ազգային պիտի ըլլայ. այդ երդումը կը պարտադրէ. «Պատուով վրայ երդնուլ ազգին ու հայրենիքին որեւէ կերպով օգտակար ըլլալ»: Այս երդումը գիտակցօրէն կ'ընեն, այս երդումին տակ կը ստորագրեն ու ձեզի կ'ըսեն պիտի չուզէի ք ինծի պէս ընել:

ՅՈՎՀԱՆՆԷՍ ՀԻՆՂԵԱՆ

Ամէն բանէ առաջ, նոր սերունդին բարոյական ուժերը պէտք է խնայել, եւ ես չեմ գիտեր այս նպատակին ծառայող աւելի լաւ միջոց՝ քան սկաուտութիւնը: Բոլոր ազգերու պատկանող լրջամիտ խորհողներ, կառավարութեանց պետերէն եւ համալսարաններու ուսուցիչներէն սկսեալ, կը գնահատեն սկաուտութիւնը, իր իրական արժէքովը. այն է՝ իբր լուրջ կազմակերպութիւն մը, որ նպատակ ունի նոր սերունդը պատրաստել ոչ միայն հոգեբանական, մանկավարժական նորագոյն ամենէն լուրջ սկզբունքներու համաձայն, այլեւ՝ ընկերային նոր պահանջներու հիման վրայ:

Յառա՛ջ, ուրեմն, ինչպէս կ'երգէին երբեմն Պոլսոյ սիրեցեալ հայ սկաուտները, յառա՛ջ անվեհեր, սիրելի՛ երիտասարդներ, բարի է գործը զոր կը կատարէք, ազգին երախտագիտութիւնն է ձեր վարձքը: Յառա՛ջ:

ԳՐԻԳՈՐ ՅԱՎՈՒԲԵԱՆ

Հ.Մ.Ը.Մ.ի հիմնադիրները առանց պատճառի չէ որ որդեգրեցին ՀԱՅ ՄԱՐՄՆԱԿՐԹԱԿԱՆ ԸՆԴՀԱՆՈՒՐ ՄԻՈՒԹԻՒՆ վերտառութիւնը: Մարմնամարզական բառը բառական չէր հիմնադիրներուն իտեալը պարզելու համար: Մեր որդեգրածը մարմնամարզը չէր միայն, այլ՝ մարմնակրթութիւնը, իր լայն, ամբողջական եւ բարերար իմաստովը:



Շարունակութիւն էջ 16

Արշաւ

Հ.Մ.Ը.Մ. Ալմելո մեկուսի Շրջանի Սկաուտական Խմբապետական կազմի կազմակերպութեամբ ,Կիրակի 2 Յունիս 2017 թ.ին կազմակերպուեցաւ արշաւ դէպի Հոլանտայի (Coevorden) քաղաքի մէջ գտնուած (Plopsa Indoor Coevorden) փակ խաղավայրը:



Օրուայ արշաւին մասնակցեցան 35 (Գայիկ , Արծուիկ եւ Մուկլիկ)-ներ , իրենց ընտանիքները, միութեանս խմբապետական կազմը եւ մասնակցող խմբակներուն պատասխանատուներ:



Առաւօտ ժամը 9:00 էն համախմբուելէ ետք մասնակցողները միասնաբար մեկնեցան դէպի խաղավայր, ուր նախօրօք եղբայրները կանխաձրագրած էին օրուայ ձեռնարկին ծրագիրները. հասնելէ ետք յուշալուսանկարուելէ ետք սկաուտները բաժանեցուեցան խումբերու. ապա քայլերգով դէպի խաղավայրը :



Խաղավայրին մէջ մասնակցողները (փոքր եւ մեծ) լաւ ժամանեցին ուր ժամը 12:00ին ճաշելու ժամանակն էր. որու աւարտին միասնաբար մասնակցեցան օրուայ կազմակերպուած մանկական թատրոնին . ուր ետք շարունակեցին ժամանել մինչեւ ժամ 16:00 :



Հաճելի սկաուտական եւ ընտանեկան մթնոլորտ անցնեցնելէ ետք վերադարձն եղաւ դէպի միութեանս սրահը, ուր իրարմէ բաժանուելէ ետք անհամբեր պիտի սպասէին (ամառային արձակուրդի աւարտի) սկաուտական վերամուտ ին:



Վահան Չերազ

Վահան Չերազ ծնունդ է 16 Օգոստոս 1886թ. Կոստանդնուպոլիս: Նրա հայրը՝ (Կասպար) փաստաբան, յայտնի գրող եւ հասարակական գործիչ էր . նրա եղբայրն էր, Մինաս Չերազը (1852-1929), որը եղել է Բեռլինի Կոնգրեսի հայկական պատուիրակութեան անդամ:

Չերազը հիմնադիրներէն մէկը եղաւ Հ.Մ.Ը.Մ.-ի սկաուտական շարժման: Առաջինն էր, որ ֆուրպոլ մարզանքը բերաւ Օսմանեան Կայսրութեան մէջ . հիմնեց ֆուրպոլի խումբեր եւ կազմակերպեց խաղեր:

1920 թուականին, անսալով Հայաստանի Հանրապետութեան Կրթութեան նախարար Նիկոլ Աղբալեանի կոչին՝ Պոլիսէն փոխադրուեցաւ Ալեքսանդրապոլ (այժմ՝ Գիւմրի), հայրենիքի մէջ մարզական կեանքը զարգացնելու նպատակով: Այդ շրջանին, Յեղասպանութենէն վերապրած որբերու մէկ մասը Ալեքսանդրապոլ կեդրոնացած էին:

Հայաստանի խորհրդայնացումէն ետք, իր ընկերներէն շատեր արտագաղթեցին. նա նախընտրեց մնալ հայրենիք, իր սկաուտներուն մօտ, արհամարհելով իրեն ծանօթներու զգուշացումներուն եւ սպառնացող վտանգները : Հակառակ որ Վահան Չերազ շարքային դաշնակցական չէր, 1928 թ. Հունարի 9-ին թուականին՝ զինք այդպէս գրապարտելով, Թիֆլիսի մէջ Բերիանը անձամբ սպանեց Չերազին:

Չերազի կինը՝ Վարդանոյշ Չերազը (Հայոց Յեղասպանութեան վերապրողներէն մէկը) գնդակահարուեցաւ 1937 թուականին: Վարդգէս Անդրեասեան՝ Վարդանոյշի եղբայրը, որդեգրեց անոնց որբ մնացած դուստրը՝ Բիւրակնը: Վախնալով հետապնդումներէ, ան փոխեց աղջկան ազգանունը, դարձնելով Անդրեասեան: Բանասէր Բիւրակն Անդրեասեան Չերազ այժմ կը բնակի Երեւանի մէջ:



Հ.Մ.Ը.Մ. Առնհեմ ի առաջին մարզահանդես

Սույն թուականի ՅՈՒՆԻՄ 9 ին տեղի ունեցավ Հոլանտայի միջ Հ.Մ.Ը.Մ.ան առաջի մարզահանդեսը, որին ԱՌՆՀԵՄ ի Մեկուսի Շրջանը պատիվը ունեցավ կազմակերպելու։ Միջոցառման մասնակցեցան ԱԼՄԵԼՕ եւ ԱԼՔՄԱՐ Մեկուսի Շրջանները, մարզահանդեսին ներկայ գտնուեցան երեք շրջանները առավել շրջակայք ՀՄԸՄ ին համակիրներ ,անդամներ, ներկայ գտնուեցան նաեւ, ՀՀ Արտակարգ եւ Լիազոր Դեսպան Տիկ.Ջյունիկ Աղաջանյան, Արեւմտեան Եւրոպայի պատուիրակի փոխանորդ Հայր Առն Վարդապետ Շահինեան, ՀՅԴ Ա.Մանուկեան Կոմիտեի Ներկայացուցիչ ընկ.Մինաս Արսենեան, Մաս մը կազմակերպություններու եւ միություններու ներկայացուցիչներ :



Բացման խօսքը առավ ՀՄԸՄ Առնհեմ ի Մեկուսի Շրջանի Ատենապետը եղբ.Լիպարիտ Միմոնեանը որը իր խօսքին մեջ շեշտադրեց ՀՄԸՄ ի դերը կրօնական, մշակութային եւ ազգային զանազան առիթներուն մեջ, իսկ նպատակը մարզահանդեսին, առավել մոտեցում, ամրապնդելու Հայկական ոգին , ստեղծելու բնականոն գետին,որուն վրայ կարողությունը պիտի ստեղծուի բարելավելու ՀՄԸՄի



բարոյական սկզբունքները. «կանկալենք առավել աշխուժութիւն, հետեւողականութիւն, անդամակցիլ եւ պայքարիլ գոյատեւելու Հ.Մ.Ը.Մ.-ան աշխատանքները կիզակետելով ազգային, Հայապահպանման սկզբունքները բարելավելու առումով մեջ բերելով շարունակեց եղբ.Լիպարիտը»..իսկ ՀՀ Դեսպանը Տիկ.Աղաջանեանը ,բարձր գնահատակնները հայտնեց այսպիսի Հայկական միջոցառումներուն որոնք կնդգրկէն եւ երիտասարդութիւնը եւ փոքրիկները «ապագայի ղեկավարները». Եւ ի վերջոյ Հայր Առէն Վարդապետ Շահինեանը խօսքը առնելով , փոխանձելով Ն.Ս.Օ.Տ.Տ. Գարգին երկրորդ Կաթողիկոսի օրհնութիւնը, ողջունեց սկաուտները եւ մարզիկները մաղթելով նրանց առաջադիմութիւն , յաջողութիւն , բարձր գնահատելով այսպիսի հանդիպումները :



Հ.Մ.Ը.Մ. ԱՌՆՀԵՄ ի, արի արենոյշ, երեց պարմանուիի սկաուտական խումբերը, դաշտին վրայ հատուկ շնորհանդեսով ելոյթ եկան, որը բարձր գնահատուեցավ ներկաներու կողմէ, ԱՌՆՀԵՄ ի եւ ԱԼՄԵԼՕ ի մեկուսի Շրջաններու սկաուտները միասնաբար երեք մեկուսի շրջաններու մարզիկներու հետ մասնակցեցան տողանցքի:



Փողկապի տուութիւնն հանդիսացան ԱՌՆՀԵՄ ի սկաուտական կազմէն, ստանալով նրանց գայլիկ արծվիկի եւ երեցի փողկապները. մարզահանդէսը իր վերջավորութեան, մարզիկները եւ մարզիչները ստացան իրենց մեդալները, իսկ Շրջաններէու ատենապետները ստացան հուշանուէրներ:

Հ Մ Ը Մ Առնհէմ Homenetmen Arnhem



Եղբ. Հայո (Հայաստան Պողոս Սարգիսեան)

Հ.Մ.Ը.Մ. ական ոտնագնդակի յայտնի հայ մարզիկ ապա մարզիչ. Եղբայրը որեւէ ճիգ չ'իւնայեց Հ.Մ.Ը.Մ.ական ընտանիքին մէջ (առանց վայրի բացառութեամբ) ոտնագնդակի մարզանքը զարգացնելու :

Ծնուել է Մարտ 16. 1957 թ. Պաղտատ – Իրաք. (Հայկական Գամբ. թաղամաս): Սկզբնական ուսումը թաղամասին Հայոց Ազգային Վարժարանէ աւարտելէ ետք , կը յաճախէ (Պաղտատ քաղաքին մէջ) Արիեստաւորական երկրորդական կրթական հաստատութեան մետաղագիտութեան բաժին:

Ոտնագնդակ մարզանքի կրքոտութիւն ունեցող կրտսեր եղբայրը , 11 տարեկան տակաւին չլրացուցած 1968 թ.ին մաս կը կազմէ (Հ.Մ.Ը.Մ. (Պաղտատ)ի ոտնագնդակի կրտսեր խումբի ուր ետք միեւնոյն Միութեան երիտասարդական հիմնական խումբի) մարզիկներէ մէկը:




1973 թ.ին տաղանդաւոր մարզիկ եղբորը կոչ ուղղուեցաւ ներկայացնելու (մասնակցելու) Իրաքի կրտսեր ոտնագնդակի ողիմպիական խումբին մէջ:



1978 թ.ին եղբայրը մաս կ'կազմէ (Իրաք -Պասրա քաղաքի մէջ գտնուող) ԻԹԹԻՀԱՏ ԱԼ ՊԱՍՐԻ ակումբի եւ 1979 թ.ին Պաղտատ քաղաքի մէջ ԷԼ ՃԷԵՇ (գօրք) ակումբին ոտնագնդակի խումբերուն մէջ:

5 տարի ետք 1984 թ.ին եւս կ'վերադառնայ մասնակցելու Պասրայ քաղաքի մէջ գտնուող, (այս անգամ) ԷԼ ՊԱՀՐԻ ակումբի ոտնագնդակի խումբին մէջ: 1987 թ.ին կոչ ուղղուեցաւ ներկայացնելու (մասնակցելու) Իրաքի ԷԼ ՃԷԵՇ (գօրք) ոտնագնդակի ողիմպիական խումբին մէջ:



1991 թ.ին կը դադարի իբր մարզիկ եւ կ'սկսի , իր կրած տարիներու փորձառութիւնները փոխանցել Հ.Մ.Ը.Մ. (Պաղտատ)ի ոտնագնդակի խումբերուն մէջ իբր միութեան մարզիչ:




2006թ.ին Իրաքի տագնապ իրադարձութիւններու պատճառով իր ընտանիքին հետ կ'տեղափոխուի Սուրիոյ Հալէպ քաղաքը. ուր հոն Հ.Մ.Ը.Մ.ական տաղանդաւոր եղբայրը կ'շարունակէ իր սիրական զբաղումը եւ կ'դառնայ Հ.Մ.Ը.Մ. Հալէպի երիտասարդական ոտնագնդակի խումբի յայտնի եւ սերուած մարզիչներէ մէկը:



2015 թ.ին Եդր. Հայո իր ընտանիքով վերջնական կ'հաստատուի Հոլանտայի Ալմելօ քաղաքին մէջ. ուր կ'շարունակէ մինչեւ այսօր իր նուիրական ընծայումը միութեանս սրահի ոտնագնդակի խումբի զարգացման նպատակով:

Վարձքդ կատար Եդր.Հայո կ'մաղթենք քեզ առաջընթաց յաջողութիւններ:



Ամէն տեղ ուր հայն կայ՝

**Կայ Հ.Մ.Ը.Մ ը որն մի գուցէ միակ ազգային մարմինն է,
որ անդու ու անդադար իր ցիրուցան զաւակների օտարութեան
ճամբին կտպասէ՝ կը դիմաւորէ՝ կը մէկտեղէ ու իր արմատներին թէ մշակոյթին
վերադարձի , կապակցութեան թէ ամրացման պահերն կստեղծէ:
Մի տեղ Զուարթնոցի շունչն այն շունչի կարօտեալներին
բաշխելով, այլ տեղ եկեղեցւոյ օրհնութիւնը՝
վերջապէս հայուն կազմաւորման հարազատ շաղախը:**

Սերոբ Մահակեան

Բարի Վերամուտ

Ներդրանտական Թագաւորութեան դպրոցական ամարային արձակուրդները աւարտելէ ետք , Հ.Մ.Ը.Մ. Ալմելո Մեկուսի շրջանի սկաուտական խմբապետական կազմը , 10 Սեպտեմբեր 2017թ. ժամը 14:00-ին միութեանս սրահին դռները բացին , ընդունելու (2017-18 տարեշրջանի) մեր սիրելի սկաուտներուն:



Բարի վերամուտ կը մաղթենք մեր սիրելի սկաուտներուն եւ իրենց յարգելի ծնողներուն , քաջալերելով Ալմելո քաղաքի հայաբնակ ընտանիքներու իրենց զաւակներն արձանագրելու միութեանս սկաուտական շարքերէ ներս:



Դարական Հ.Մ.Ը.Մ.ին –(Հ.Մ.Ը.Մ.ի 100-ամեակի քայլերգ)

Կամաւորներու սերունդներ անվախ,
Մեսրոպեան ուխտի հսկիչներ խիզախ:
Յետնորդ Հայկի եւ չարքաշ որդիք,
Դարեկան, մատղաշ Հ.Մ.Ը.Մ.ի:

Սկաուտներ ինչպէս հայ բանակ,
Հողմերու նման բնութեան զաւակ:
Մարզական խումբեր փառքով պանծալի,
Միշտ արագ, հեռու, բարձր իտեալի:

Կրկն. Հ.Մ.Ը.Մ., օ՛ն, յառա՛ջ,
Կը մնաս միշտ պատրաստ:
«Բարձրացի՛ր-բարձրացու՛ր»,
Պատգամդ է ամենուր:

Կրկն. Հ.Մ.Ը.Մ., օ՛ն, յառա՛ջ,
Կը մնաս միշտ պատրաստ:
«Բարձրացի՛ր-բարձրացու՛ր»,
Պատգամդ է ամենուր:

Խօսք՝
Երաժշտ.
Կատարում՝

Ներսէս Լիպարեանի,
Վահրամ Էմմիեանի,
Գառնիկ Սարգիսեանի:

21-րդ շրջանի Անդամական Ա.Ընդհանուր ժողով

Կիրակի 30 Յուլիս 2017 թ. ժամը 14:00-ին, Հ.Մ.Ը.Մ. Ալմելո Մեկուսի շրջանի սրահին մէջ տեղի ունեցաւ միութեանս 21-րդ շրջանի Անդամական Ա.Ընդհանուր ժողովը. Ժողովի օրակարգն էր .-

- 1.- Ժողովի բացման արարողութիւն.
- 2.-Ներկայութեան ստուգում.
- 3.-Միութեանս նախորդ ժամանակաշրջանի գործունէութեան զեկուցում.
- 4.- Քննարկել ներքին կանոնագրի փոփոխութեան կարելիութիւնը.
- 5.-Հողի աշխատանքներ.

Ա. Գովազդի.

Բ.Նիւթական եւ Դրամահաւար.

Գ. Շինարարութեան.

- 6.- Քննարկել (Մարզական , Սկաւտական , Յարաբերական եւ Միութենական) գործունէութիւնները.

- 7.- Առաջարկներ.

- 8.-Ժողովի փակման արարողութիւն.

Ժողովի բացման. Եղբ. Սարգիս Տէր Ղազարեան (Միութեանս ատենապետ) վարչութեան անունով ջերմ ողջուններով, բարի գալուստ մաղթեց ներկաներուն յայտարարելով ժողովի բացումը: Ետք տեղի ունեցաւ ներկայութեան ստուգումը , ուր ընդհանուր ներկաներուն թիւը 29 (Անդամ – ուհի)ներ ընդհանուր 168 անդամներէ: Ներկաներուն թիւը մեծամասնութիւն չգոյանալու պատճառով , որոշուեցաւ (ըստ Յօդ. 28 «Ծանօթ») Կիրակի 3 Սեպտեմբեր 2017թ. երկրորդ ժողով մը գումարել միեւնոյն օրակարգով միութեանս սրահին մէջ :

Կիրակի 3Սեպտեմբեր 2017թ. ժամը 19:30-ին, միութեանս սրահին մէջ տեղի ունեցաւ 30 Յուլիս 2017 թ. հետաձգուած միութեանս 21-րդ շրջանի Անդամական Ա.Ընդհանուր ժողովը միեւնոյն նախորդ ժողովի օրակարգով:

Ժողովի բացման. Եղբ. Սարգիս Տէր Ղազարեան (Միութեանս ատենապետ) վարչութեան անունով ջերմ ողջուններով, բարի գալուստ մաղթեց ներկաներուն յայտարարելով ժողովի բացումը, ուր ետք տեղի ունեցաւ ներկայութեան ստուգումը . ներկաներուն թիւն էր 24 (անդամ- ուհի)ներ: Եղբ.Յարութիւն Պաղտասարեան փոխանցեց ներկաներուն նախօրօք (վարչութեան) պատրաստուած միութեանս նախորդ ժամանակաշրջանի(1 Մայիսէ մինչեւ 3 Սեպտեմբեր 2017թ.) գործունէութեան զեկուցումը :

Եղբայրը փոխանցեց ներկաներուն կէտ առ կէտ միութեանս նախատեսուած Ներքին կանոնագրային նախատեսուած բարեփոխութիւնը :

Նախատեսուած բարեփոխութիւնը ուսումնասիրելէ եւ քննարկուելէ ետք ընդունեցուեցաւ մեծամասնութեան ներկաներէն. ուր ետք յանձնարարուեցաւ Եղբ. Մասիս Մ. Պօղոսեանին նոր կանոնագրի փաստաթղթման եւ օրինաւորութեան աշխատանքները:

Քոյր Փաթիլ Տատուրեան փոխանցեց ներկաներուն հողի կապակցութեամբ տեղի ունեցած միութեանս գովազդի եւ տեսանիւթային տարուած աշխատանքներու ընթացքները եւ նման աշխատանքներու արհեստական աջակցութեան հարկաւորութիւններ: *(Քննարկուելէ ետք Եղբ. Սարգիս Տէր Ղազարեան (Միութեանս Ատենապետ) յայտարարեց յաջորդ կիրակի 10 Սեպտեմբեր 2017թ. ժամը 18:30 ին միութեանս սրահին մէջ յաւելեալ եւ լրացուցիչ ժողով գումարել միայն(օրուայ ժողովի մէջ գտնուող) նիւթական եւ դրամահաւաքի թէմաներով):*

4 ամսուայ գործող վարչութեան աշխատանքներու ոչ մի քննարկումներ տեղի ունեցաւ եւ ժողովը փակուեցաւ ժամը 23:00ին

Կիրակի 10 Սեպտեմբեր (ըստ 3 սեպտեմբեր 2017թ. 21-րդ շրջանի Անդամական Ա.Ընդհանուր ժողովի կայացած որոշումով) տեղի ունեցաւ միութեանս սրահին մէջ (վերոյիշեալ ժողովի) յաւելեալ եւ լրացուցիչ ժողովը ուր ուսումնասիրուեցաւ նիւթական հնարաւորութիւնները եւ դրամահաւաքի նախատեսուած ծրագիրները: Ըստ ժողովին տեղի ունեցած որոշումներով կազմուեցաւ դրամահաւաքի Յանձ. (Յանձ. անդամները պիտի բաժանուին խմբակներու որոնք պիտի գործեն Հոլանտայէն ներս եւ դուրս բոլոր շրջաններու մէջ): Որոշուեցաւ նաեւ ,սահմանուեցաւ իւրաքանչիւր անդամ (18 տարեկան ի վեր) հարկաւոր է իր նիւթական մասնակցութիւնը բերել կեդրոնի կառուցման դրամահաւաքին:

Շարունակութիւն

ՀԻՄՆԱԴԻՐՆԵՐՈՒՆ ՊԱՏԳԱՄԸ

ԳՐԻԳՈՐ ՅԱԿՈԲԵԱՆ

Հայ ժողովուրդի գլխուն պայթած փոթորիկները Հ.Մ.Ը.Մ.ի ընթացքն ալ խանգարեցին պահ մը, բայց չկարողացան ջնջել նետուած բարերար սերմը: Հ.Մ.Ը.Մ.ը կանգուն է, եւ վստահութեամբ կը դիտէ ապագան: Ան կը հաւատայ իր ճիգերուն ուժին, ու իր իտեալին յաւերժութեան: Ան կը հաւատայ, թէ պիտի գա՛յ իր երազած սերունդը





Հ.Մ.Ը.Մ. ական մարզիկին Տասնաբանեան

Հ.Մ.Ը.Մ.ական մարզիկը կը դաւանի «Առողջ միտքը, առողջ մարմնի մէջ» մարզական միջազգային կարգախօսը, միաժամանակ ան ոչ-Հ.Մ.Ը.Մ.ական մարզիկէն կը զատորոշուի իր ազգային յատուկ նկարագիրով եւ Հայաստանին ու հայութեան հանդէպ իր նուիրական պարտաւորութեամբ:

Եթէ երբեք այլ մարզիկներու նման մրցումները միայն մարզական ելոյթներ են, յաղթանակով կամ պարտութեամբ վերջացող, Հ.Մ.Ը.Մ.ական մարզիկի պարագային, այդ մրցումները հայ ժողովուրդի պայքարելու ոգին ու կամքին արտայայտութիւններն են:

Արդ, Հ.Մ.Ը.Մ.ական մարզիկը.-

1. Հաւատարիմ է Հ.Մ.Ը.Մ.ի «Բարձրացի՛ր- բարձրացուր» նշանաբանին: Ան պատրաստ է անսակարկ եւ հաւատարմօրէն ծառայելու ազգին ու հայրենիքին:
2. Հ.Մ.Ը.Մ.ական մարզիկը մաքուր է նկարագիրով, մտքով եւ բարոյականով:
3. Դաշտերէն ներս թէ դուրս, կարգապահ ու քաղաքավար է, միջազգային «Ֆէր փլէյ»ին տիպարն է:
4. Ան զուսպ է իր արտայայտութիւններուն կամ շարժումներուն մէջ եւ նախանձախնդիր է իր պատկանած միութեան բարոյականին:
5. Ան կը յարգէ իր պատասխանատուն կամ մարզիչը, կիներթարկուի անոր բոլոր ցուցմունքներուն՝ առանց այլեւայլի:
6. Մրցումներուն կը մասնակցի յաղթելու վճռակամութեամբ: Ան երբեք տկարութիւն չի ճանչնար:
7. Ան կը հաւատայ, որ մաս կը կազմէ հաւաքականութեան մը, մեծ ընտանիքի մը, որ իր կարգին կը հաւատայ հաւաքական աշխատանքի եւ համագործակցութեան սկզբունքին:
8. Յաղթանակներն ու պարտութիւնները կ'ընդունի մարզական նոյն ոգիով, վեհանձնութեամբ եւ համեստութեամբ:
9. Հ.Մ.Ը.Մ.ական մարզիկին ֆիզիքականը որքան կը պատկանի իրեն՝ նոյնքան կը պատկանի իր միութեան: Ան կը գորգորայ իր ֆիզիքական առողջութեան եւ մաքրութեան՝ հեռու քանդիչ մոլորութիւններէ:
10. Ան կը հաւատայ Հայաստանին եւ Հայ Դատին ու միշտ պարտաստ է զինուորագրուելու եւ ծառայելու Հայաստանին եւ հայ ժողովուրդին:



Հ.Մ.Ը.Մ. Ալմելօ Մեկուսի Շրջան՝

Ընդհանուր տեղեկութիւններ.

Հիմնադրուած է Յունիս 23. 1996 թ.ին , նա մաս կը կազմէ ընդհանուր Հ.Մ.Ը.Մ. ի (25000 անդամներու եւ 108 մասնաճիւղերու) ընտանիքի անդամներէն մէկը:

Այսօր ունինք 167 անդամ-ուհի ներ եւ 90 (18 տարեկան չի լրացած) սկաուտներ. ունինք Մարզական (Սրահի ոտնագնդակի «Մեծերու».

Սրահի ոտնագնդակի «փոքրիկներու». Բասկետբոլի «Տղաներու». Վոլէյբոլի «Աղջիկներու-Volley ball». Բադմինտոնի «Badminton». Մեղանի թէինիս ի «ping pong») խումբերը:

Միութեանս վարչութեան կողքին կը գործեն՝ Սկաուտական խմբապետական կազմ , (Մարզական, Հաշուեքննիչ, Հողի, Տիկնաց, Սկաուտական օժանդակ, Ընկերային եւ Մշակութային) յանձնախումբեր եւ կը հրատարակէ պաշտօնական միութեանս ՆՈՐ ՃՐԱԳ եռամսեայ թերթիկը:

Հիմնադրութիւնէն (1996 թ.) մինչեւ այսօր միութիւնս իր թիկունքներու վրայ կրած է ազգային պարտականութիւններու եւ տիպար (Հոլանտա հայ) քաղաքացիներ կերտելու աշխատանքներու պայքարը . վստահաբար այդ ինքնութեան եւ գոյատեւման պայքարները պիտի չի արդիւնաբերէին առանց ձեզ:

Միութեանս 2017 -18թ.ի հիմնական ռազմավարական ծրագիրներէ մէկն եղաւ, իր սեփական (550ք.մ.) կառուցուածքը ունենայ (6000 ք.մ.) տարածքի վրայ , որպէս ապագայի ժառանգութիւն գալիք սերունդներուն:

Միրելի հայրենակիցներ, բարեկամներ, քոյրեր եւ եղբայրներ թուք էք միութեանս ուժը. եւ ձեզմով է որ կազմակերպութիւնները կը կառուցուին եւ ձեզմով է որ կը գոյատեւեն:

Ուստի կոչ կուղենք բոլորին մաս կազմելու միասնաբար, Ալմելօ քաղաքին մէջ Հ.Մ.Ը.Մ.ական օճախը կառուցելու:

Հ.Մ.Ը.Մ. Ալմելօ Մեկուսի Շրջան՝



Վա՛յ վա՛յ կղզիէն . Լուրեր

Մեր կղզու տարօրինակ եռամսեայ գիտնականներու եւ մտաւորականներու հետաքրքիր ժողովները շարունակելու է . այս շրջանի ժողովի քննարկուեցաւ եւ ուսումնասիրուեցաւ միութեանս (Հ.Մ.Ը.Մ.ի ընտանիքի) մտաւորական գրիչ ունեցող Եղբ. Սերոբ Սահակեանի ներքեւ յիշեալ մեկնաբանութեան հետաքրքիր նիւթն էր , ուր մինչեւ այսօր որեւէ մեկնաբանութեան , վերլուծումի կամ եզրակացութեան չեն եկել:

Մեզ սովորեցուցին որ նպատակը յաճախ կարդարացնի միջոցներն, այնուհետեւ արդեօք? սուտն ճշմարտութեան ճամբին կարդարանայ?, մանաւանդ երբ այն կը հեղինակուի Աստուծոյ ճշմարտութեան աւետարանիչների կողմէ:



**100- ամեակին՝ ՀՄԸՄ-ին
սկաւառներուն եւ
մարգիկներուն դէմքերուն
վրայ պիտի շողայ
հայրենասիրութեան արեւը
Յ.Գ.**



ԲՈՎԱՆԴԱԿՈՒԹԻՒՆ



- Հ.Մ.Ը.Մ.ական Օճախ
- Մարզիկ –ի Խմբագրական թիւ 406.
(Պատրաստութիւն «Հ.Մ.Ը.Մ.ի 100-ամեակի ընդառաջ»)
- Հ.Մ.Ը.Մ. Ալմելօ Մեկուսի Շտջանի սրահի ոտնազնդակի Ա.Խումբը
- Հ.Մ.Ը.Մ. Ի Հիմնադիրներուն Պատգամը
- Արշաւ
- Վահան Չերագ.
- Հ.Մ.Ը.Մ. Առնհէմ ի առաջին մարզահանդէս.
- Եղբ. Հայո (Հայաստան Պողոս Մարգիսեան).
- Վկայութիւն ը Հ.Մ.Ը.Մ.ի մասին.(Եղբ. Սերոբ Սահակեան)
- Բարի վերամուտ
- Հ.Մ.Ը.Մ.ի 100 –ամեակի քայլերգ.
- 21-րդ շրջանի Անդամական Ա.Ընդհանուր ժողով.
- Հ.Մ.Ը.Մ.ական մարզիկին տասնաբանեան.
- Հ.Մ.Ը.Մ. Ալմելօ Մեկուսի Շրջան
(Ընդհանուր տեղեկութիւններ).
- Վա՛յ վա՛յ կղզիէն . Լուրեր.
- Վկայութիւն ը Հ.Մ.Ը.Մ.ի մասին (Եղբ. Յակոբ Գազանչեան)
- Բովանդակութիւն.



Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Batil Bozizyan (Homenetmen Almelo)

Առաջարկներու համար կը խնդրուի կապ հաստատել homenetmenalmelo@yahoo.nl ով